



REPUBLIKA E SHQIPËRISË

**BASHKIA BERAT
KËSHILLI BASHKIAK**

PROJEKTVENDIM

Nr _____ Datë ____/____/2023

**MBI NGRITJEN E KOMSIONIT TË INTEGRIMIT EUROPIAN
”**

Këshilli Bashkiak Berat, sot në datën ____/____/2023, pasi u njoh me materialin “Mbi ngritjen e Komisionit të Integrimit European”, mbështetur në ligjin nr. 139/2015, “Për vetëqeverisjen vendore”, të ndryshuar si dhe Vendimit të Këshillit Bashkiak, Nr,54, Datë 30/11/2023 me nr Prefekti 6185, Datë 01/12/2023, Këshilli Bashkiak

VENDOSI:

1. Të bëhen propozime për anëtarët e Komisionit të Integrimit European
2. Me zbatimin e Këtij vendimi ngarkohet Sekretarja e Këshillit Bashkiak

KRYETARI I KËSHILLIT BASHKIAK

Ervin CECA



REPUBLIKA E SHQIPËRISË

BASHKIA BERAT
KËSHILLI BASHKIAK BERAT

PROJEKT-VENDIM

PËR MIRATIMIN E BUXHETIT TË BASHKISË BERAT PËR VITIN 2024 DHE PBA
PËRFUNDIMTARE 2024-2026

Këshilli Bashkiak Berat pasi u njoh me materialin “Relacion mbi miratimin e buxhetit të Bashkisë Berat të vitit 2024 dhe PBA përfundimtare 2024-2026”, në mbështetje të ligjit nr.139/2015, “Për vetëqeverisjen vendore”, i ndryshuar, neni 8, 9, 41, 54/dh, 64/c, ligjit nr.68/2017, “Për financat e vetëqeverisjes vendore”, neni 6, pika ç, d, 39,40 41, ligjit nr.9936, datë 26.06.2008, “Për menaxhimin e sistemit buxhetor në Republikën e Shqipërisë”, i ndryshuar, ligjit nr.10296, datë 08.07.2010, “Për Menaxhimin financiar dhe kontrollin”, i ndryshuar, ligjit nr.152/2015 “Për shërbimin e mbrojtjes nga zjarri dhe shpëtimi”, ligjit 45/2019, “Për mbrojtjen civile”, neni 65, pika 1, VKM Nr.328 datë 31.05.2023 “Për klasifikimin e funksioneve, grupimin e njësive të vetëqeverisjes vendore, për efekt page, dhe caktimin e kufijve të pagave të funksionarëve të zgjedhur e të emëruar, të nëpunësve civilë e të punonjësve administrativë të njësive të vetëqeverisjes vendore”, VKM nr. 929, datë 17.11.2010 “Për krijimin dhe përdorimin e fondit të veçantë”, i ndryshuar, Vendimit të Këshillit Bashkiak nr. 93, datë 28.12.2021, “Për miratimin e taksave dhe tarifave vendore të Bashkisë Berat”, i ndryshuar, VKB nr. 87 datë 18.12.2021 “Për mitatimin e numrit të përgjithshëm të punonjësve të Bashkisë Berat dhe njësive shpenzuese në varësi të saj” ndryshuar me VKB Nr.69 datë 18.10.2022 “Për një shtesë në numrin e përgjithshëm të punonjësve të Bashkisë Berat dhe njësive shpenzuese në varësi të Bashkisë Berat”, Udhëzimin e Ministrit të Financave dhe Ekonomisë nr. 6 datë 28.02.2023 “Për përgatitjen e PBA vendor 2024-2026”, Udhëzimin Plotësues nr. 21 datë 07.07.2023 “Për përgatitjen e Programit Buxhetor Afatmesëm Vendor 2024-2026”, dhe shkresës së Ministrisë së Financave, nr. 20079 datë 03.11.2023 “Dërgohet për njoftim transferta e pakushtëzuar e përgjithshme dhe sektoriale për vitin 2024”,

VENDOSI:

1. Miratimin e treguesve të buxhetit të vitit 2024 dhe Programit Buxhetor Afatmesëm të Bashkisë Berat për periudhën 2024 - 2026 si më poshtë :

1.1. Plani i të ardhurave të Bashkisë Berat për periudhën 2024 - 2026, në shumat si më poshtë:
në 000 lekë

Lloji i të Ardhurave		2024	2025	2026
		Plani	Plani	Plani
A	Të Ardhura nga Burimet e Veta	644,977	637,975	646,481
A.1	Të Ardhura nga Taksat Lokale	179,235	183,722	188,343
A.2	Të Ardhurat nga Taksat e Ndara	54,148	55,773	57,446
A.3	Të Ardhurat nga Tarifat Vendore	244,159	245,702	247,292
A.4	Të Ardhurat e Tjera	167,435	152,778	153,400
B	Transferta nga Buxheti Qendror	755,913	783,122	812,607
B.1	Transferta e Pakushtëzuar e Përgjithshme (përfshirë transf.per rritjen e pagave)	446,779	470,896	497,259
B.3	Trasferta e Pakushtëzuar Sektoriale	309,134	312,225	315,348
	Total te ardhura/burime buxhetore (A+B)	1,400,890	1,421,096	1,459,088

1.2. Plani i shpenzimeve të Bashkisë Berat për vitin 2024 dhe periudhën 2024 - 2026, në shumat si më poshtë:

në 000 lekë

	Kategoria e Shpenzimeve	2024	2025	2026
		Plani	Plani	Plani
1	Shpenzime Personeli	678,215	691,923	707,713
2	Shpenzime Korente të Tjera	503,828	508,571	524,875
3	Shpenzime Kapitale	218,847	220,602	226,500
	Totali i Shpenzimeve	1,400,890	1,421,096	1,459,088

- Miratimin e planit të të ardhurave për periudhën 2024-2026, sipas tabelës pjesë përbërëse e këtij vendimi.
- Miratimin e planit financiar të Bashkisë Berat, për periudhën 2024-2026, sipas tabelës pjesë përbërëse e këtij vendimi.
- Të miratojë detajimin e buxhetit për vitin 2024, si dhe periudhën 2024-2026, të shpenzimeve korrente dhe kapitale sipas programeve, tabela pjesë përbërëse e këtij vendimi.
- Të miratojë numrin total të punonjësve për vitin 2024 të bashkisë Berat 787 punonjës për 6 njësi shpenzuese, sipas listës së njërive shpenzuese, tabela pjesë përbërëse e këtij vendimi.
- Miratimin e shpërblimit mujor të anëtarëve të këshillit artistik në masën 4,500 lekë në muaj, për rastet kur zhvillojnë mbledhje, sipas përcaktimeve të akteve ligjore e nënligjore në fuqi.
- Miratimin e shpërblimit mujor të kryetarëve të fshatrave sipas në masën 10% të pagës së administratorëve të njërive administrative.
- Miratimin e fondeve për mbrojtjen civile, në zbatim të nenit 65 pika 1, të ligjit 45/2019 'Për mbrojtjen civile', në shumën 20,000 mijë lekë, në artikullin 606 për transfertat për familje dhe individë. Gjithashtu, bashkia do të trashëgojë fond për mbrojtjen civile në shumën 3,162 mijë lekë, fond specifik i papërdorur, i cili do të shtohet në këtë zë pas mbylljes së vitit buxhetor 2023. Po ashtu, fondi për mbrojtjen civile pritet të shtohet me transfertën specifike që do të akordohet nga buxheti i shtetit, si edhe me të ardhura të papërdorura që do të trashëgohen nga viti 2023.
- Me ndjekjen dhe zbatimin e këtij vendimi ngarkohen drejtoritë e bashkisë Berat dhe njësitë shpenzuese në varësi të saj.
- Vendimi hyn në fuqi në datën 1 janar 2024.

K R Y E T A R

I KËSHILLIT BASHKIAK

Ervin CECA



REPUBLIKA E SHQIPËRISË

**BASHKIA BERAT
KËSHILLI BASHKIAK**

PROJEKTVENDIM

Nr. _____, datë _____ 2023

MBI MIRATIMIN E TRANSFERIMIT NGA BASHKIA BERAT TE MINISTRIA E MBROJTJES SE OBJEKTEVE NR.1,2,3 TE TREGUT TË SHITJES ME SHUMICË FRUTA-PERIMEVE” NDODHUR NË PASURINË ME NR.292/32, ZONA KADASTRALE 3978, MORAVË ,NJËSIA ADMINISTRATIVE OTLLAK

Në mbështetje të ligjit 139/2015 “Për vetëqeverisjen vendore “, neni 9 pika 1.2, gërma “c” neni 54, “Detyrat dhe kompetencat e Këshillit Bashkiak gërma “e” ,neni 15 të ligjit nr.8743, datë 22.2.2001 “Për pronat e paluajtshme të shtetit” i ndyshuar ,VKM nr.753, datë 09.12.2021” Për shpronësim për interes publik ,të pronarëve të pasurisë të paluajtshme, pronë private , që preken nga projekti “ Për kthimin e bazës Ajrore Kuçovë , në Bazë Ajrore Taktike të Natos”, VKM-së nr.336,datë 05.05.2016 ” Për transferimin e aksioneve të shoqërive të tregjeve të tregtimit me shumicë të fruta-perimeve , te njësitë e vetqeverisjes vendore “ me propozim të Kryetarit të Bashkisë, Këshilli Bashkiak;

V E N D O S I :

1. Miratimin e transferimit nga Bashkia Berat te Ministria e Mbrojtjes të objekteve nr.1,2,3 të Tregut të Shitjes me Shumicë Fruta-Perimeve”, ndodhur në pasurinë me nr.292/32, Zona Kadastrale 3978 , fshati Moravë ,Njësia Administrative Otlak.
2. Me ndjekjen dhe zbatimin e këtij vendimi , ngarkohet struktura përkatëse e Tregut të Shitjes me Shumicë Fruta-Perimeve Moravë , Drejtoria e Menaxhimit Financiare dhe e të Ardhurave , si dhe Drejtoria e Mbrojtjes Civile , Pronave,Transportit dhe Shërbimeve.

KRYETARI I KËSHILLIT

Ervin Ceca



REPUBLIKA E SHQIPËRISË

DREJTORIA E EMERGJENCAVE ,PRONAVE DHE TRANSPORTIT

RELACION

MBI MIRATIMIN E TRANSFERIMIT NGA BASHKIA BERAT TE MINISTRIA E MBROJTJES SE OBJEKTEVE NR. 1, 2, 3 TE TREGUT TË SHITJES ME SHUMICË FRUTA – PERIMEVE ” NDODHUR NË PASURINË ME NR.292/32, ZONA KADASTRALE 3978 MORAVË ,NJËSIA ADMINISTRATIVE OTLLAK

Të nderuar Këshilltare !

Nga zbatimi i projektit për kthimin e Bazës Ajrore Kuçovë , në Bazë Ajrore Taktike të Natos “ , preken tre objekte të tregut të shitjes me shumicë fruta – perimeve të ndodhur në fshatin Moravë, Njësia Administrative “ Otlak” .

Bashkia Berat në mënyrë shkresore i ka kërkuar disa herë Ministrisë së Mbrojtjes që të shikonin mundesinë e ndryshimit të gjurmës së projektit me qëllim mosprekjen e objekteve të tregut nga ky investim, por me shkresën e fundit nr.3507/1, datë 10.11.2023 Ministria e Mbrojtjes na ka konfirmuar përfundimisht që këto tre objekte do të preken nga zbatimi i projektit ” Për kthimin e Bazës Ajrore Kuçovë , në Bazë Ajrore Taktike të Natos “.

Tregu me shumicë i fruta perimeve Moravë është ndërtuar në vitin 2008 ku Ministria e Bujqësisë Ushqimit dhe Mbrojtjes së Konsumatorit , përmes projektit të Agjencisë së Shërbimeve Bujqësore (ASP-së) ka mbuluar të gjitha shpenzimet për ndërtimin e tregut si dhe ka kryer procedurën e prokurimit të ndërtimit të objektit, deri në çertifikatën e marrjes në dorëzim më 4.02.2008. Vlera e situacionit përfundimtarë e ndërtimit të tregut me shumicë Moravë është 61,732,928 lekë.

Këshilli i Ministrave me vendimin nr.336, datë 05.05.2016, bëri transferimin e aksioneve të shoqërive të tregjeve me shumicë të njësitë e vetqeverisjes vendore.

Ne këto kushte Bashkia Berat, mbështetur në ligjin 139/2015 “Për vetëqeverisjen vendore “, neni, 9 pika 1.2, gërma “c” neni 54, “Detyrat dhe kompetencat e Këshillit Bashkiak gërma “e” ,neni 15 të ligjit nr.8743, datë 22.2.2001 “Për pronat e paluajtshme të shtetit” i ndyshuar, kërkon nga ju miratimin e transferimit nga Bashkia Berat te Ministria e Mbrojtjes te tre objekteve nr.1,2 dhe 3 të tregut me shumicë të fruta –perimeve, ndodhur në pasurinë me nr.292/32, Zona Kadastrale 3978, Indeks Harte K-34-112(173-D), fshati Moravë , Njësia Administrative Otlak.

Drejtore
Erlin Kuçi



REPUBLIKA E SHQIPËRISË

**BASHKIA BERAT
KRYETARI**

Nr. _____ prot.

Berat , më ____ . ____ . 2023

Lënda: Dërgohet materiali për shqyrtim e miratim.

**Z. Ervin Ceca
KRYETAR I KËSHILLIT BASHKIAK BERAT**

I nderuar zoti Kryetar,

Bashkëlidhur po ju dërgojmë projektvendimin dhe relacionin shoqërues “Miratimin e transferimit nga Bashkia Berat te Ministria e Mbrojtjes se objekteve nr.1,2,3 te Tregut të Shitjes me Shumicë Fruta-Perimeve”, ndodhur në pasurinë me nr.292/32, Zona Kadastrale 3978 ,fshati Moravë ,Njësia Administrative Otlak”.

**K R Y E T A R I
Ervin DEMO**

Miratoi:

Petro Sinjari: Drejtor i Drejtorisë Juridike

Erlin Kuçi : Drejtor i Mbrojtjes Civile ,Pronave Transportit dhe Shërbimeve

Konceptoi:

Meleqe Spahiu, Përgjegjëse e Sektorit të Menaxhimit të Pronave dhe Strehimit

Datë: _____

Nr. i faqeve A4 të projektvendimit: 1

Nr. i faqeve A4 të relacioni shoqërues: 1



REPUBLIKA E SHQIPËRISË
BASHKIA BERAT
KËSHILLI BASHKIAK

Nr. _____ prot.

Berat ,më____,____2023

PROJEKT-VENDIM

Nr. _____ datë. _____

“Për miratimin e planit të punës të Këshillit Bashkiak Berat për vitin 2024 “

Kryesia e Këshillit Bashkiak Berat, në bashkëpunim me komisionet e përhershme që funksionojnë në Këshill ka hartuar “Planin e aktivitetit të Këshillit Bashkiak Berat “ në zbatim të ligjit Nr 139/2015 Për vetqeverisjen Vendore “i ndryshuar, Vkb nr. 5 Dt 30.01.2020 “Per forcimin e organizimit dhe funksionimit te Keshillit bashkiak Berat, Vkb nr. 26 dhe 27 te dates 23.04.2020 Per miratimin e Rregullores se Shqurtimit te kerkesave ankesave, peticioneve, dhe Iniciativave qytetare, Rregullores se Funksionimit te Strukturave Komunitare dhe nderveprimi i tyre me Keshillin bashkiak, Rregullores se Keshillit bashkiak per Konsultimet publike dhe marredhenies me median me propozim te Kryetarit te Keshillit:

VENDOSI

1. Miratimin e planit të aktiviteteve të Këshillit Bashkiak Berat për vitin 2024,sipas dokumentit (Plani vjetor i punes, Plani i konsultimeve publike dhe Buxheti I Keshillit ose shpenzimet) bashkëlidhur te cilat jane pjese e ketij vendimi)
2. Ngarkohet Keshilli bashkiak, Kryetari i Bashkise, Sekretari I Keshillit per zbatimin e ketij Vendimi
3. Ky vendim hyn ne fuqi sipas pikes 6 nenit 55 te ligjit 139/2015 ‘Per Vetqeverisjen Vendore’ I ndryshuar.

KRYETARI I KESHILLIT BASHKIAK

Ervin CECA



REPUBLIKA E SHQIPERISE
BASHKIA BERAT

RELACION

“PËR NJË NDRYSHIM DHE SHITESË NË VENDIMIN E KËSHILLIT BASHKIAK NR.93 DATË 28.12.2021 “PËR SISTEMIN E TAKSAVE DHE TARIFAVE VENDORE NË QYTETIN E BERATIT”, TË NDRYSHUAR

Të nderuar këshilltarë!

Këshilli Bashkiak me Vendimin nr.93 datë 28.12.2021 ka miratuar paketën fiskale e cila vazhdon të jetë në fuqi.

Bashkia Berat paraqet këtë relacion, për qëllimin e ndryshimit dhe një shtesë në Vendimin nr.93 date 28.12.2021 “Për sistemin e taksave dhe tarifave vendore në qytetin e Beratit”, Kreu VI “Taksa e ndikimit në Infrastrukturë nga ndërtimet e reja”, Neni 24, Baza dhe niveli i taksës, që vjen si rezultat i ndryshimit të Ligji nr.9632, datë 30.10.2006, "Për sistemin e taksave vendore", i ndryshuar, Neni 27, Taksa e ndikimit në infrastructure, pika 3 nën pika a/1 shprehet:

a/1. Për ndërtimin e strukturave që destinohen për përdorim në sektorin bujqësor dhe blegtoral dhe për objektet sportive sipas përcaktimeve në legjislacionin në fuqi për sportin, taksa e ndikimit në infrastrukturë është jo më shumë se 1 (një) për qind e vlerës së investimit. Mbështetur në këtë ndryshim taksa e ndikimit në infrastruktur nga ndërtimet e reja për këre kategori ulet nga 3% e vlerës së investimit në 1%, duke i ardhur në ndihmë sektorit bujqësor dhe blegtoral dhe për objektet sportive.

Për sa më sipër propozojmë:

1. Ndryshimin e ”, Kreu VI “Taksa e ndikimit në Infrastrukturë nga ndërtimet e reja”, Neni 24, Baza dhe niveli i taksës, Pika b

Ishte:

KATEGORITË DHE NËNKATEGORITË	Niveli i taksës
b. Ndërtim banimi për përdorim vetjak, ndërtime në sektorin e turizmit, industrisë, bujqesise, blektorise shërbimit apo për përdorim publik, garazhd për përdorim vetjak.	3% e vlerës së investimit

Bëhet:

Bëhet:


KATEGORITË DHE NËNKATEGORITË	Niveli i taksës
b. Ndërtim banimi për përdorim vetjak, ndërtime në sektorin e turizmit, industrisë, shërbimit apo për përdorim publik, garazhd për përdorim vetjak.	3% e vlerës së investimit

2. Në Kreu VI "Taksa e Ndikimit në Infrastrukturë nga Ndërtimet e reja", Neni 24 Baza dhe niveli i taksës, shtohet pika "b/1"

KATEGORITË DHE NËNKATEGORITË	Niveli i taksës
b/1. Për ndërtimin e strukturave që destinohen për përdorim në sektorin bujqësor dhe blegtoral dhe për objektet sportive sipas përcaktimeve në legjislacionin në fuqi	1 % e vlerës së investimit

Drejtoria E Planifikimit Urban, Lejeve Dhe Monitorimit Të Investimeve

Luçiano Bojaxhiu



BASHKIA BERAT
KËSHILLI BASHKIAK BERAT

PROJEKT VENDIM

NR. _____ Datë ____/____/2023

“PËR NJË NDRYSHIM DHE SHITESË NË VENDIMIN E KËSHILLIT BASHKIAK NR.93 DATË 28.12.2021 “PËR SISTEMIN E TAKSAVE DHE TARIFAVE VENDORE NË QYTETIN E BERATIT”, TË NDRYSHUAR

Në mbështetje të ligjit nr.139/2015 “Për Vetëqeverisjen Vendore” të ndryshuar, ligjit nr.9632, datë 30.10.2006, "Për sistemin e taksave vendore", i ndryshuar, ligjit nr.107/2014, "Për planifikimin dhe zhvillimin e territorit", i ndryshuar, me propozimin e Kryetarit të Bashkisë, Këshilli Bashkiak:

VENDOSI :

1. Të miratojë ndryshimin dhe një shtesë në Vendimin Nr.93 Datë 28/12/2021 “Për sistemin e Taksave dhe Tarifave Vendore në Qytetin e Beratit”, **Kreu VI** “Taksa e Ndikimit në Infrastrukturë nga ndërtimet e reja,” **Neni 24**, Baza dhe niveli i taksës, **ndryshohet pika b**

Ishte:

KATEGORITË DHE NËNKATEGORITË	Niveli i taksës
b. Ndërtim banimi për përdorim vetjak, ndërtime në sektorin e turizmit, industrisë, bujqesise, blektorise shërbimit apo për përdorim publik, garazhd për përdorim vetjak.	3% e vlerës së investimit

Bëhet:

KATEGORITË DHE NËNKATEGORITË	Niveli i taksës
b. Ndërtim banimi për përdorim vetjak, ndërtime në sektorin e turizmit, industrisë, shërbimit apo për përdorim publik, garazhd për përdorim vetjak.	3% e vlerës së investimit

Në **Kreu VI** "Taksa e ndikimit në infrastrukturë nga ndërtimet e reja", **Neni 24**, Baza dhe niveli i taksës, **shtohet pika "b/1"**,

KATEGORITË DHE NËNKATEGORITË	Niveli i taksës
b/1. Për ndërtimin e strukturave që destinohen për përdorim në sektorin bujqësor dhe blegtoral dhe për objektet sportive sipas përcaktimeve në legjislacionin në fuqi	1% e vlerës së investimit

2.Me ndjekjen e zbatimin e këtij vendimi, ngarkohet Kryetari i Bashkisë Berat, Drejtoria e Planifikimit Urban, Lejeve dhe Monitorimit të Investimeve.

3.Ky vendim hyn në fuqi sipas përcaktimeve të pikës 6 të nenit 55 të ligjit nr.139/2015 "Për Vetëqeverisjen vendore" të ndryshuar.

KRYETAR I KËSHILLIT BASHKIAK

Ervin CECA

